



Broj: 05-036-388 /16
Sarajevo, 19.12.2016. godine

Na osnovu člana 70. Zakona o organizaciji organa uprave u F BiH („Sl. novine F BiH“ br. 35/05) a u vezi sa članom 70. stav (1) i stav (3) Zakona o javnim nabavkama Bosne i Hercegovine („Sl. glasnik BiH“ br.39/14), nakon provedenog Konkurentskog postupka javne nabavke roba, a na osnovu Preporuke broj 03-033-1023/16 od 19.12.2016.godine i Izvještaja Komisije za javnu nabavku, Direktor Zavoda za izgradnju Kantona Sarajevo **donosi**

ODLUKU

o izboru najpovoljnijeg ponuđača

1. Dodjeljuje se ugovor za *“Nabavku i montažu protuprovalnog i vatrodojavnog sistema u poslovnoj zgradi Kaptol br. 3 Zavoda za izgradnju Kantona Sarajevo“ konzorciju ponuđača „MIDDLE POINT“ d.o.o. Sarajevo i „FILLING“ d.o.o. Sarajevo* obzirom da je podnio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14).
2. Ova Odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

Obrazloženje

Na osnovu Odluke o pokretanju postupka javnog nadmetanja broj: 05-036-308/16 od 02.11.2016.godine Zavod za izgradnju Kantona Sarajevo je pokrenuo Konkurentski postupak javne nabavke roba, pripremio tendersku dokumentaciju i objavio Obavještenje o nabavci broj: 285-7-1-58-3-71/16 i Ispravku obavještenja o nabavci broj: 285-7-1-58-8-79/16 na portalu javnih nabavki za *“Nabavku i montažu protuprovalnog i vatrodojavnog sistema u poslovnoj zgradi Kaptol br.3 Zavoda za izgradnju Kantona Sarajevo“*.

Na osnovu objavljenog Obavještenja putem Konkurentskog postupka, tendersku dokumentaciju preuzeli su: „DSC“ d.o.o. Sarajevo, „Sword Security“ d.o.o. Sarajevo, „PROVING“ d.o.o. Sarajevo, „SIKRA“ d.o.o. Sarajevo, „GRANULO-RE“ d.o.o. Sarajevo, „SECTOR SECURITY“ d.o.o. Sarajevo, „UNILAB SECURITY“ d.o.o. Sarajevo i „MIDDLE POINT“ d.o.o. Sarajevo.

Iz Izvještaja Komisije vidljivo je da se Komisija sastala dana 13.12.2016.godine, radi preuzimanja i otvaranja ponuda za *“Nabavku i montažu protuprovalnog i vatrodojavnog sistema u poslovnoj zgradi Kaptol br.3 Zavoda za izgradnju Kantona Sarajevo“*, koju su podnijeli ponuđači: „DSC“ d.o.o. Sarajevo i Konzorcij ponuđača „MIDDLE POINT“ d.o.o. Sarajevo i „FILLING“ d.o.o. Sarajevo.

Komisija je na javnom otvaranju ponuda zapisnički konstatovala da je ponuda Ponuđača „UNILAB SECURITY“ d.o.o. Sarajevo neblagovremena.





Komisija je otvorila primljene ponude i iz „Obrazca za cijenu ponude“ pročitala ponuđenu cijenu ponude, dok su rokovi isporuke robe, uslovi i način plaćanja bili zadati tenderskom dokumentacijom. Ostale dokumente na otvaranju ponuda Komisija nije pregledala.

Otvaranje ponuda izvršeno je u prisustvu ovlaštenog predstavnika Konzorcija ponuđača „MIDDLE POINT“ d.o.o. Sarajevo i „FILLING“ d.o.o. Sarajevo.

Prisutni predstavnik Ponuđača nije imao primjedbe na postupak otvaranja ponuda.

Iz Izvještaja Komisije vidljivo je da se Komisija ponovo sastala dana 14.12.2016. godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih radova.

Komisija je konstatovala slijedeće:

- Ponuđač „DSC“ d.o.o. Sarajevo dostavio je tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH br.39/14), sve minimalne uslove propisane tačkama 12.1,13.2,3 i 4 tenderske dokumentacije, pa je ponuda ponuđača „DSC“ d.o.o. Sarajevo **prihvaćena**.
- Konzorcij ponuđača „MIDDLE POINT“ d.o.o. Sarajevo i „FILLING“ d.o.o. Sarajevo dostavio je tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH br.39/14), sve minimalne uslove propisane tačkama 12.1,13.2,3 i 4 tenderske dokumentacije, pa je ponuda Konzorcija ponuđača „MIDDLE POINT“ d.o.o. Sarajevo i „FILLING“ d.o.o. Sarajevo **prihvaćena**.

Komisija je u skladu sa članom 64. Stav (1) tačka b) Zakona o javnim nabavkama BiH („Službeni glasnik BiH“ br. 39/14), po kriteriju najniža cijena tehnički zadovoljavajuće ponude sačinila redoslijed prihvaćenih ponuda po osnovu cijena sa PDV-om:

1. Konzorcij ponuđača „MIDDLE POINT“ d.o.o. Sarajevo
i „FILLING“ d.o.o. Sarajevo.....10.703,74 KM
2. „DSC“ d.o.o. Sarajevo.....11.463,08 KM

Komisija je predložila Ugovornom organu da se u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14) **dodijeli** ugovor za „Nabavku i montažu protuprovalnog i vatrodiojavnog sistema u poslovnoj zgradi Kaptol br. 3 Zavoda za izgradnju Kantona Sarajevo“ Konzorciju ponuđača „MIDDLE POINT“ d.o.o. Sarajevo i „FILLING“ d.o.o. Sarajevo pod rednim brojem 1, obzirom da je u Konkurentskom postupku ponudio najnižu cijenu tehnički zadovoljavajuće ponude.





Komisija je sačinila Zapisnik o ocjeni i pregledu ponuda br. 03-033-1022/16 od 19.12.2016.godine koji je sastavni dio ove Odluke. Shodno navedenom odlučeno je kao u dispozitivu.

POUKA O PRAVNOM LIJEKU:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi i u roku od 5 (pet) dana od dana prijema ove Odluke o izboru najpovoljnijeg ponuđača. Žalba se podnosi u najmanje 3 (tri) primjerka. Naknada za pokretanje žalbenog postupka iznosi 500,00 KM i podnosi se Uredu za razmatranje žalbi.

DOSTAVITI:

- 1. SVIM PONUĐAČIMA
- 3. a/a

DIREKTOR
Ljiljana Pandija, dipl.ing.grad.



[Faint, mostly illegible text, likely bleed-through from the reverse side of the page]

